

Landesbibliothek Oldenburg

Digitalisierung von Drucken

Jonstoni Historia Naturalis

Ioannis Ionstoni|| Theatrvm|| Vniversale Omnivm|| Animalivm||
Qvadrupedvm

Jonston, Jan

Heilbrunna, MDCCLV.

VD18 90528808

Illustration: Tab. XLVI. Ovis Peruana; Aries Guineensis; Zaino Tajacu.
Porcus syluester; Porcus Guineensis.


urn:nbn:de:gbv:45:1-10966

Ovis Peruana

Tab: XLVI




Aries Guineensis



Zain, f. Tajacu. Porcus sylvester

Porcus Guineensis





Basil. He-
ram. ho-
mil. 8.

Leo Afri-
canus in
Africa.

Aristot. in
Mirabil.

Tzetzes
Chiliad.
12. c. 404.

Plin. H.N.
1. 28. c. 8.

Apul. 1. 1.
Apul.

gotempore, et ubi occasionem na-
ctus fuerit, malum retribuit. Ad
tympani sonitum choreas ducere e-
docetur. Includitur, inquit *Leo A-*
ffricanus, iunior camelus, ubi pavi-
mentum praecalidum sit, ut alterna-
tim pedes attollat, dum calor urget;
idque frequentissima alternatione
facit, dum hunc, dum illum pedem
attollit pungente calore, atque in-
terim semper ad fores tympanum
percutitur. In schola huiusmodi
scholasticus hic exercetur ad annum
integrum, aut circiter. Ufu igitur
confirmato hac diuturnitate, quo-
tiescunque tympani sonitum audie-
rit, eadem pedum alternatione,
eodemque loco persistens, dum in-
sonet tympanum, choreae ductum
spectatoribus prae se fert. Musica
delectari vel exinde colligas, quod
fessus non verberibus, sed cantu ad
progrediendum invitetur. In ma-
trem tanta est reverentia, ut eam
nunquam ineat, nec se, ut faciat,
cogi patiatur. Opertam cum ali-
quando violasset, admissorem pau-
lo post necavit. *Verecundiam* de
generatione exposuimus. *Pietatem*
compassio exprimit. Tota nocte
manducant, quod si aliquis in stabu-
lo aegrotet, cibo abstinent. *Philos-*
ophus Indi detexere. Cum celeri-
tate maxima uti cupiunt, foetus
cameli per aliquot milliaria cum ma-
tre abducunt, illa abacta, pullos
relinquunt. Dum redeunt, mater
passus duplicat, quo citius pullis re-
stituatur. *Vsum* in pluribus prae-
stat. In *Medicina* caro provocat
urinam. *Adeps* gibbi suffumiga-
tus confert haemorrhoidibus. *Ce-*
rebrum exsiccatum cum aceto epile-
psiae. *Fel* cum melle potum anginae.
Sanguis conceptioni et praefocatio-
ni matricis, si post purgationem men-
struorum adhibeatur. *Lac* ventrem
lenit, valde subtile et aquosum,
asthmati confert, et desiderium cibi
excitat. *Vrina*, quae fullonibus u-
tilissima, quod apud Plinium legi-
mus, ad dentes quoque dealbandos
et purgandos, vim habere credebatur.
Cauda arefacta solvit anum.
Fimi cinere cum oleo misto crispatur

capillus. Idem albus cum melle tri-
tus tumores reprimat, et vulnera
mundat. *Setae* e cauda contortae
et alligatae sinistro brachio quarta-
nis medentur, si credere fas est. In-
venit et in *cibis* locum. Arabes no-
vimus camelorum lacte vesci. Car-
nes, teste Galeno, Alexandrinis in
usu. Heliogabalus aliquoties in coe-
nis exhibuit, et calcanea, quia ma-
xime tenera, Apicii exemplo, co-
medit. Apud Iudaeos inter vetitos
cibos habebatur. Carnem et lac
quidam inter suavissima censent.
Hoc partui vicinarum caseosae et
butyrosae substantiae minus habet.
In *bellis* adhibitos passim apud Histo-
ricos habetur. Hinc armaturae, qua
in expeditionibus muniuntur, nomi-
na, de quibus si DEUS voluerit in
Philologicis. Itinera in Arabia,
Aegypto, etc. vel hodie absque ca-
melis confici non possunt. Sunt et
oneri ferendo accommodati, sed
nec ultra iustum pondera recipiunt.
Sexcenta pondo communiter ge-
stant, licet, si necessitas urgeat, mil-
le ferre possint. Dum onerantur,
aut onere levantur, in ventrem pro-
cumbunt, et ut sentiunt se aequale
viribus suis onus impositum, exsur-
gunt, nec plus recipiunt. Africani
molestias itineris non intermissi quin-
quaginta diebus totis haud aegre su-
stinent. Species camelorum apud
veteres sunt variae. Sunt pingues, ma-
cri, fusci, albi. Dedit et cursus dif-
ferentiam. *Dromedarii* enim et
Dromades dicuntur, qui minoris qui-
dem sunt staturae, sed cursus pernici-
cissimi. Centum et amplius millia-
ria uno die peragere solere Isidorus
Hispalensis habet. Aristoteles equis
Nisanis vel potius Nisaeis praeponit.
Foeminas esse velociore ab Achme-
te Scirimio et aliis observatum est.
Praecipua differentia a regionibus
sumitur. Sunt *Arabici*, *Bactriani*
et *Caspici*. Illi, bina tubera in dor-
so habent. Unde *dituloi* et *dikuloi*
dicuntur. Isti fortissimi habentur,
et singula in tergo tubera, alterum
vero in pectore, cui incumbant,
gerunt. Hos ad equorum maxi-
morum magnitudinem accedere,
N Aelianus

Galen. 1. 1.
de Alim.
facult. c. 2.
Lamprid.
in Heliog.

Solin. Po-
lyhist. c. 62

Differentia.

Aristot. H.
A. 1. 9. c. 50.

Solin. Po-
lyhist. c. 62